

**Talamdan sa
mga Mensahe alang sa Full-time Training
sa Fall Term sa 2022**

**LINANGKOB NGA HISGOTANAN:
MAGKINABUHI DIHA SA REALIDAD SA LAWAS NI CRISTO
SA PAGKAT-ON KANG CRISTO MAINGON NGA NAA NI JESUS ANG REALIDAD**

Mensahe 6

**Ikinabuhi ug Buhaton ang Bag-ong Jerusalem
sa Pagkat-on kang Cristo maingon nga Naa ni Jesus ang Realidad
aron Matukod ang Sion nga Realidad sa Lawas ni Cristo**

Basahong Kasulatan: Mat. 1:23; Ezeq. 48:35; Efe. 4:15-16, 20-21; Col. 2:19; Bug. 2:4, 7; 21:18-23

I. Ang pahiuhi sa Ginoo pagtukod man sa Sion nga realidad sa Lawas ni Cristo sa pagkinabuhi ug pagbuhat nato sa Bag-ong Jerusalem:

- A. Isip kinamaayohang bahin ug katahom sa balaang syudad, sa Jerusalem (Sal. 48:2; 50:2), naghulagway ang Sion sa mga mananaog nga maoy kinatumyan, ang sentro, ang pagpa-usbaw, pagpalig-on, pagpadagaya, katahom, ug realidad sa iglesia (48:2, 11-12; 20:2; 53:6a; 87:2).
- B. Ang mga mananaog nga mao ang Sion maoy realidad sa Lawas ni Cristo ug maghing-pit sa pagtukod sa Lawas diha sa mga iglesia lokal aron ipadangat ang nahingpit nga balaang syudad, ang Bag-ong Jerusalem, ang Dapit Labing Balaan nga puluy-anan sa Dios sa eternidad—Bug. 21:1-3, 16, 22.

II. Ang pagkinabuhi nato sa Bag-ong Jerusalem “pagtubo [man nato] ngadto sa Ulo” sa panagsagol sa Dios ug tawo, ug ang pagbuhat nato sa Bag-ong Jerusalem paglihok man “gikan sa Ulo” aron mausa ang Lawas ni Cristo—Lev. 2:4-5; Juan 6:57; 7:37; 17:21, 23; Efe. 4:3-4a, 11-16; Col. 2:19; 1 Cor. 3:6-12a; 10:3-4, 17; 12:12-13:

- A. Tinguha sa Dios nga mabatonan ang Bag-ong Jerusalem pinaagi sa mag-uuna sa organicong Lawas ni Cristo nga napalugwa diha sa mga iglesia lokal—vv. 14-27.
- B. Sa kaulahian, matapos na ang mga iglesia lokal; ang Lawas ni Cristo ray magpabilin hangtod sa hangtod isip bugtong-talagsaong masigka-puluy-anan sa Dios ug tawo aron maminyo pag-usa, masagol ug matagik pag-usa ang Dios ug tawo aron mahimong usa ka persona, usa ka dakong hiniusang Dios-tawo—Bug. 1:11-12; 21:2-3, 22; 22:17a.

III. Bisan unsang giisip nga iya sa Bag-ong Jerusalem kinahanglan mahimo gyong personal ug hiniusang kasinatian nato aron mahimo tang Bag-ong Jerusalem ug magtukod sa Bag-ong Jerusalem sa pagkat-on nato ni Cristo maingon nga naa ni Jesus ang realidad—Efe. 4:20-21:

- A. Ang Bag-ong Jerusalem maoy kinatibuk-an sa mga mananaog; ang salin sa mga magtutuo sa Ginoo, ang unang mga mananaog, mao unya ang pangasaw-onon ni Cristo sa usa ka libo ka tuig (Bug. 19:7-9; 20:4-6); unya mausa sila sa tanang ubang magtutuo sa Ginoo, sa ulahing mga mananaog, aron mahimong asawa ni Cristo sa eternidad (21:2-3, 7):
 - 1. Ang unang mga mananaog, nga realidad sa Sion sulod sa Jerusalem, ang realidad sa Lawas ni Cristo sulod sa iglesia, dunay dagkong dalan sa Sion sa ilang kasingkasing; nilakaw sila sa dalan sa iglesia sa sulod sa pagkatagik nila sa Dios nga ilang puluy-anan pinaagi sa gilansang sa krus nga Cristo, nga gihulagwayan sa halarang tum-

- baga ingon nga salag nila nga ilang kadangpan, ug pinaagi sa nabanhawng Cristo sa pagkayab, nga gihulagwayan sa halaran sa incienso nga panimalay nila aron maka-pahulay sila—Sal. 48:2; 84:3-5; itandi sa Prov. 27:8.
2. Ang pagdaog nagpasabot nga gihigugma nato ang Ginoo labaw sa atong kaugalingon, labaw sa atong kinabuhi-sa-kalag; nakaila ug nahigugma ra ni Cristo ang mananaog aron marealidad ang Lawas ni Cristo—Fil. 3:10; 4:12; Bug. 2:4-5, 7; 12:11.
 3. Naghulat ang Ginoo og grupo sa mga mananaog nga magkinabuhi sa realidad sa Lawas ni Cristo diha sa pagkabanhaw aron mahimong pangasaw-onon ni Cristo nga magpabalik Niya ug magpadangat sa panahon sa Iyang gingharian; alang niini moampo gyod ta nga, “Ginoo, kaluy-an ug grasyahan unta ko Nimo nga mahimong usa sa Imong mga mananaog.”
- B. Aron makakinabuhi ug makabuhat sa Bag-ong Jerusalem aron matukod ang Sion nga realidad sa Lawas ni Cristo, kuptan gyod nato kining prinsipyoha: ang presensya sa Dios maoy sukdanan sa tanang butang—21:22; 22:4; Exo. 25:30; Sal. 27:4-5, 8; 31:20; 91:1:
1. Nagsugod ang Bag-ong Tugon sa usang Cristo nga Dios-tawo, “ang Dios uban nato,” ug natapos sa Bag-ong Jerusalem nga hiniusang Cristo, ang dakong Dios-tawo, “Naa Didto si Jehova”—Mat. 1:23; Ezeq. 48:35.
 2. Ang Espiritu mao ang presensya ni Cristo sa atong espiritu; magkinabuhi ug maglihok gyod ta diha sa persona ni Cristo, sa presensya ni Cristo, segun sa ilhanan sa tibuk Niyang persona, nga napadayag sa Iyang mga mata—2 Tim. 4:22; Rom. 8:16; 2 Cor. 3:17-18; 2:10, 13; Exo. 33:11a, 14-17; 1 Cor. 14:24-25; itandi sa Bug. 5:6.
- C. Aron makakinabuhi ug makabuhat sa Bag-ong Jerusalem aron matukod ang Sion nga realidad sa Lawas ni Cristo, magpasakop gyod ta sa trono sa Dios, sa pagbuot sa Dios—22:1, 3:
1. Pagkamalapason ang sala, pagpapahawa sa Dios sa trono; mopahawa gyod ta sa trono, magpaubos, magkinabuhi sa atong espiritu, motambayayong sa mga balaan alang sa lihok sa Dios, ug magmintinar og “tin-awng langit” sa atong Cristohanong kinabuhi ug iglesihanong kinabuhi aron mapuno ta sa nagbuot nga presensya sa nagharing grasya sa Dios—1 Juan 3:4; Ezeq. 1:13-16, 22, 26; Rom. 5:21; Bug. 4:1-3; 22:1; itandi sa 1 Hari 10:18.
 2. Ang makaabot ning puntoha nagpasabot nga gipauna nato ang Dios sa tanang butang ug hingpit gyong nagpasakop sa Iyang pagbulot-an ug administrasyon aron matuman Niya ang Iyang walay kataposang tuyo diha nato, pinaagi nato, ug uban nato—Rom. 5:17; Mat. 8:9; Rom. 14:17; itandi sa Num. 17:8.
- D. Aron makakinabuhi ug makabuhat sa Bag-ong Jerusalem aron matukod ang Sion nga realidad sa Lawas ni Cristo, kinahanglan maanaa nato ang agay ug sangkap sa kinabuhi—Bug. 22:1-2; *Mga Alawiton*, #509:
1. Ang nag-agay nga suba sa kinabuhi ug ang makaon nga kahoy sa kinabuhi mao gyod untay mahinungdanon kaayong hiyas sa atong Cristohanong kinabuhi ug iglesihanong kinabuhi aron makapahimulos ta sa Dios nga tinuod natong Eden, kalipayan, kalingawan, ug kalipay—Gen. 2:8-10; Sal. 43:4a; Neh. 8:10.
 2. Ang pag-inom nato sa usa ka Espiritu pagkasagol man nato sa Espiritu nga pagka-usa sa usang Lawas; nagkinahanglan kini nga mapadayonon tang motawag sa Ginoo ug motimba og tubig nga magkalipay gikan Niya nga tuboran sa buhing tubig—1 Cor. 12:12-13; Efe. 4:3-4a; Isa. 12:3-4; Jer. 2:13; Juan 4:10, 14; 7:37-39; Bug. 22:17.
 3. Aron makapahimulos ni Cristo nga atong sangkap sa kinabuhi kinahanglan mahigugma ta Niya sa unang gugma, paunahon Siya sa tanang butang, aron mahimo tang panghimatuod Niya—2:4, 7; Col. 1:18b.

- E. Aron makakinabuhi ug makabuhat sa Bag-ong Jerusalem aron matukod ang Sion nga realidad sa Lawas ni Cristo, kinahanglan mapuno ta sa kahayag sa kinabuhi—Bug. 21:11, 23; 22:5; Luc. 11:33-36:
1. Ang kahayag sa Bag-ong Jerusalem mao ang Dios nga himayang nagdan-ag nga nag-sidlak pinaagi ni Cristo nga Manunubos ingon nga suga, ug ang tibuok balaang syudad maoy tigpakatap sa diosnong kahayag; karon kining tigpakatap nga mopakatap sa diosnong kahayag mao ang Lawas ni Cristo—Bug. 21:23-24a; 22:1, 5; 21:11; Efe. 5:8-9.
 2. Ang kahayag mao ang presensya sa Dios; nagpahimulos ta ni Cristo nga atong pahat nga gipahat sa Dios kanato diha sa kahayag nga nagluwas nato gikan sa pagbulot-an sa kangitngitan, sa gingharian ni Satanas, ug nagbalhin nato ngadto sa gingharian sa Anak sa gugma sa Dios—Col. 1:12-13; Buh. 26:18; Rom. 13:11-14; itandi sa Mar. 9:2-8.
 3. Ang kahayag sa Dios naa sa balaang puluy-anan, sa puluy-anan sa Dios, nga mao ang atong espiritu (Efe. 2:22) ug ang iglesia (1 Tim. 3:15); diha sa atong espiritu ug sa iglesia mapadaygan ta sa diosnong pinadayag ug makabaton og katin-awan sa tanan natong problema (Sal. 73:16-17, 22-26).
- F. Aron makakinabuhi ug makabuhat sa Bag-ong Jerusalem aron matukod ang Sion nga realidad sa Lawas ni Cristo, moambit gyod ta sa Dios Amahan sa diosnong kinaiya Niya, nga gihulagwayan sa bulawan nga sukaranan sa syudad—2 Ped. 1:4; Bug. 21:21b:
1. Ang usa ka dalan nga lunsayng bulawan nagtimaan nga kon magkinabuhi ug magbuhat ta segun sa diosnong kinabuhi nga nag-agay diha sa diosnong kinaiya, dili gyod ta “mawala,” ug putli, yano, ug dili ta makuti—22:1; 2 Cor. 11:2-3.
 2. Ang diosnong kinaiya mao ang pagkamao sa Dios; gamiton gyod nato ang atong espiritu aron makapahimulos sa Dios nga Espiritu (ang kinaiya sa persona sa Dios), ug magpabilin gyod ta sa diosnong pakig-ambitay aron makapahimulos sa Dios nga gugma (ang kinaiya sa pagkamao sa Dios) ug kahayag (ang kinaiya sa pagpadayag sa Dios)—Juan 4:24; 1 Juan 4:8; 1:5, 3.
- G. Aron makakinabuhi ug makabuhat sa Bag-ong Jerusalem aron matukod ang Sion nga realidad sa Lawas ni Cristo, mosinati gyod ta sa Dios Anak sa Iyang kamatayon ug pagkabanhaw, nga gihulagwayan sa mga ganghaang perla—Bug. 21:21a:
1. Nagtimaan ang mga perla sa lugwa sa pagduga ni Cristo sa duha ka aspeto: ang nagtubos ug nagpagula-sa-kinabuhi nga kamatayon Niya ug ang nagpaambit-sa-kinabuhi nga pagkabanhaw Niya—Juan 12:24; 19:34; Zac. 13:1.
 2. Mosinati gyod ta sa kamatayon ni Cristo pinaagi sa gahom sa Iyang pagkabanhaw aron mapahiuyon ta sa Iyang kamatayon ug masama sa dagway sa panganayng Anak sa Dios—Fil. 3:10; 1:19; Rom. 8:29; 2 Cor. 4:6-13.
- H. Aron makakinabuhi ug makabuhat sa Bag-ong Jerusalem aron matukod ang Sion nga realidad sa Lawas ni Cristo, mosinati gyod ta sa Dios Espiritu sa nagtranspormang buhat Niya, nga gihulagwayan sa paril nga jaspe ug sa mga patukoranan niini nga hamiling mga bato—Bug. 21:18-20:
1. Sa pagtubo nato sa diosnong kinabuhi diha ni Cristo nga buhing bato, matransporma ta ug mahimong hamiling mga bato aron masama sa panagway sa Dios—1 Ped. 2:4; 1 Cor. 3:12a; Bug. 21:10-11; 4:3; 2 Cor. 3:18; Rom. 12:2.
 2. Ang kagamitan sa mga paril mao ang paggahin, pagbalaan, sa syudad ngadto sa Dios gikan sa tanang butang nga dili Dios, sa ingon niana naghimo sa syudad nga balaang syudad; nanalipod sab ang mga paril sa mga interes sa kadato sa pagkadios sa Dios dinhi sa yuta ug sa mga nakab-ot sa pagkahingpit Niya—Bug. 21:2a, 10b; itandi sa Juan 17:17.

- I. Ang pagkinabuhi ug pagbuhat sa Bag-ong Jerusalem aron matukod ang Sion nga realidad sa Lawas ni Cristo nagkinahanglag espirituhanong pakig-away; sa panahon ni Nehemias, “kadtong nagtukod sa paril ug kadtong nagpas-an sa mga palas-anon, nagpas-an sa mga luwan nga ang usa ka kamot nagbuhat sa buluhaton ug ang laing kamot nagbitbit og hinagiban”—Neh. 4:17:
1. Dunay tulo ka aspeto ang pag-ataki sa kaaway: ang unang aspeto mao ang pagbiaybiay sa kaaway (2:10; 4:2-3); ang ikaduhang aspeto mao ang mga paglaraw sa kaaway pinaagi sa mga tiglaglag sa diosnong pagtukod nga mohangyo nga makigtigom ug makigsulti (6:2); ang ikatulong aspeto mao ang pagpabugnaw, pagpaluya kanato, paghimo kanatong masakiton sa espiritu, ug magbingkilay (4:10-12).
 2. Isip tawong nahigugma sa Dios, niampo si Nehemias sa Dios aron mokontak Niya diha sa pakig-ambitay; aron matukod pag-usab ang paril, nibarog si Nehemias sa pulong sa Dios, niampo segun niini, ug agresibong nilihok sa hustong pagkaagresibo diha sa pagkabanhaw—1:1-11; 2:4; 4:4-9; 13:1-30.
 3. Mobarog gyod ta batok sa mga laraw sa yawa sa pagpakig-away nato sa away diha sa Lawas inubanan sa nakig-awayng mga pag-ampo, mag-ampo sa tanang panahon diha sa espiritu aron makasul-ob sa tibuok hinagiban sa Dios ug magtukod sa Lawas ni Cristo nga balay sa Dios aron mahimaya ang Dios ug sa gingharian sa Dios aron makabuot ang Dios ug hingpit nga matuman ang pamatigayon sa Dios—Efe. 6:10-20.